

Širawt ta iktab Buləs i Filemona

Šihulawen

¹⁻² Awa nak Buləs, imosan amaskasaw fəl əddəlil n Əlməsix Ƴaysa, nak d əmidi-nana daƳ əzəƳzan Timotay, ənnanen əhulan-in əməri-nana Filemona n əmadhal-nana, d Əlkənisat ta tətamanayat daƳ ahan-nak. Nəhul-in deƳ təmidit-nana daƳ əzəƳzan Affəya d Arxifus əmadhal-nana daƳ təbəllant.

³ Izazzabbat-du fall-awan Məššina di n Abba-nana əd Ƴaysa Əlməsix, Əməli-nana, arraxmat d alxer.

Tara d əzəƳzan ən Filemona

⁴ Əmidi-nin Filemona faw id əƳƳaza šin igi ən təwatriwen a kay daƳ-asnat d-əkatta ətigudəya y Əməli-nin.

⁵ Fəlas əslêƳ tara ta təƳeƳ y aytedan kul win əlkamnen y Əməli Ƴaysa, d əzəƳzan wa sər-əs təƳe.

⁶ Šiwatriwen-in ətagƳaq-qanat fəl ad təƳrəwa s əlləllu-nak, wa d-igmadan əzəƳzan-nak, əƳərri iknan tənəddawt, n albaraka kul wa nəla daƳ ənəmənək-nana əs ləkkum y Əlməsix.

⁷ Tara ta kay-təhat amidi-nin teway-du sər-i tədəwit əƳƳet d allam fəl man, təssismada deƳ iwəllan n aytedan kul win əlkamnen i Ƴaysa Əlməsix.

Efsan ən Buləs Onesim

⁸ Awen day a fêlas kud imos as tartøyt-in d Ælmæsix tækf-i færregat n a kay-amëra s arat wa ihoran,

⁹ da æssofax ad imos as agamay xas a day-ak z'aga a di-taga tønëfust fël æddëlil n ënëmëra wa nëga. Nak Bulës imosan almawakkil n Ælmæsix Yaysa ëhe kasaw ëmëredde fël æddëlil-net,

¹⁰ ægmâya day-ak a di-taga tønëfust day talxa n Onesim, wa xur-æk d-iddërragan, imosan bararin day ëzëgzan fêlas tarrayt ta n Yaysa Ælmæsix a day t-ëge harwa a xur-i illa da da day kasaw.

¹¹ Kala a dak-ku-wër-tëha tënfa mišan ëmëredde tëh-anaq-qu, gër za i kay wala i nak.

¹² Æmëredde æsoxalax-ak-k-in imos agannanin.

¹³ Æsidarana a xur-i illa da da iket ëhe kasaw fël æddëlil n Ælinjil, a di-ilal day adag-nak.

¹⁴ Mišan wër arex igi n adi ar æs turagat-nak fêlas wër arex a kay-ësëhhëššëla ëmazal a, olaxan a, æssofa a tu-taga gar-ek ëd man-nak.

¹⁵ Mijas Onesim wër dak-iga arat n afel, ar fêlas as kay-in-iqqal, a xur-æk aqqam har faw,

¹⁶ ëmëredde wër imos akli xas, ogar akli, ëmidi-nin day ëzëgzan n ëmëri-nin a imos. Wala nak ëknëq-qu tara wëllen ëngëm za kay a das-issertayan tara ta n as imos akli-nak imos dex ëmidi-nak day ëzëgzan s Æmëli.

¹⁷ Day adi kud amidi-nak day ëzëgzan a ëmosa wëdi ëqbël-tu tëtëfaq-qu day adag wa day-i tëtëfafa.

¹⁸ As imos as ixsâd-ak arat made tërwâsax-as-tu wëdi nak a daq-qu tëssana.

¹⁹ Arat wa əfus wa-nu nak Buləs as t-əktaba: nak a dak-z-irzəman. Kud ira wər kay-d-əssəktay as kay təməddurt-nak iman-net a dağ-ak əle.

²⁰ Əgmâya dağ-ak əmidi-nin a di-taga tənəfust ta fəl udəm n Əməli. As di-təgex adi fəl əddəlil ən tartəyt ta nəga dağ Əlməsix a di-taləma fəl man.

²¹ As dak-in-əkattaba širawt ta əkkasay aššak as arat wa dağ-ak in-əgammaya da a di-tu-taga ənta madex a t-ogaran.

²² Əgmâya dağ-ak dey a din-təsəmmutəga edag ən təyimit fəlas ordəy as a kawan-in-ətəwəsuxəla as iqbal Məššina šiwatriwen-nawan.

Šihulawen šin əlkamnen

²³ Ebafras wa n əmidi-nin dağ kasaw fəl əddəlil n Əlməsix Yaysa, issislam-in fall-ak,

²⁴ ənta əd Markus d Aristarxus əd Demas əd Luqa əmosnen imadhalan-in dağ əššəxəl.

²⁵ Izazzabbat-du fall-awan Əməli Yaysa Əlməsix arraxmat-net.

**Ḑlinjil ən Ḥaysa Ḑlməsix Itawann-as dex
Arkawal wa Aynayan
Tamajaq, Tawallammat: Ḑlinjil ən Ḥaysa Ḑlməsix
Itawann-as dex Arkawal wa Aynayan New Testament
Le Nouveau Testament en tamajaq tawallammat,
écriture latine**

copyright © 2015 Wycliffe Bible Translators, Inc.

Language: Tamajaq, Tawallammat

Contributor: SIM International

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

3aaeb7b2-4a3b-51fe-8c2d-ed8c05d4be0f